

# Ժողովուրդ

75  
(2741)

26 մայիսի ուրբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com


100 դրամ

## ԼՐԱԳԻՐՈՂՆԵՐԻ՝ ԱԺ ՄՈՒՏՔ ԳՈՐԾԵԼԸ ԿԱՐԳԵԼԵՆ



Ազգային ժողովի «Քաղաքացիական պայմանագիր» խմբակցության քարտուղար Արթուր Յովհաննիսյանն այն կարծիքին է, որ Ազգային ժողովի աշխատակազմը պետք է գնահատական տա այն լրագրողների պահվածքին, ում հավատարմագրել է կամ թողել, որ մտնեն խորհրդարանի շենք: Բանն այն է, որ երեկ ՔՊ-ական պատգամավորը սոցցանցի իր էջում ուղիղ եթերից կտրված մի հատված էր տեղադրել, որտեղ լրագրողներն ակտիվ քննարկում էին խորհրդարանի միջադեպը, երբ «Հայաստան» խմբակցության պատգամավոր Արթուր Սարգսյանի ելույթից հետո իրավիճակը սրվել էր: Եվ, ահա, տեսանյութից մի հատված տեղադրելուց հետո Արթուր Յովհաննիսյանը լրագրողների հետ զրույցում նշել է. «Պետք է արժանի գնահատական ստանա նաեւ ԱԺ աշխատակազմի կողմից, ովքեր հավատարմագրել են ու թողել են, որ նա մտնի շենք»: Այսինքն՝ Արթուր Յովհաննիսյանը հիմա էլ ցանկանում է այնպես անել, որ որոշ լրագրողների մուտքը խորհրդարան արգելվի: Այն, որ այս իշխանությունները (որոնց թվում թերեւս ամենաշատն են նախկին լրագրողները) պայքարում են չորրորդ իշխանության ներկայացուցիչների դեմ, գաղտնիք չէ: Բազմիցս են դեպքեր եղել, երբ հենց վարչապետ Նիկոլ Փաշինյանն է որակումներ տվել լրագրողներին: Հիմա էլ ՔՊ խմբակցության քարտուղարը, որը սպառնում էր կտրել ընդդիմադիր ՄԻՊ թեկնածուի ականջներն ու լեզուն, ԱԺ աշխատակազմին կոչ է անում հետեւել լրագրողների աշխատանքին: Ահա այսպես են Հայաստանի «Ժողովրդավար» իշխանությունները հետեւում խոսքի եւ լրագրողների ազատության:

«Ժողովուրդ» օրաթերթի տեղեկություններով՝ ՀՀ երկրորդ նախագահ Ռոբերտ Քոչարյանի եւ «Հայաստան» խմբակցության դաշնակցական պատգամավորների հարաբերությունները բավականին լարված են վերջին շրջանում: Ավելին՝ մեր տեղեկություններով՝ Քոչարյանի եւ «Հայաստան» խմբակցության պատգամավորների՝ մայիսի 4-ի հանդիպման ժամանակ երկրորդ նախագահը չի էլ թաքցրել իր դժգոհությունը դաշնակցականներից, որ խիստ կառուցողական դիրք են գրավել: Մեր աղբյուրներից տեղեկացանք, որ այդ առիթով Ռոբերտ Քոչարյանի եւ Իշխան Սաղաթեյանի միջեւ անգամ լուրջ խոսակցություն է եղել: «Ժողովուրդ» օրաթերթն այս առիթով մեկնաբանություն խնդրեց Իշխան Սաղաթեյանից: Վերջինս մեզ հետ զրույցում ասաց. «Մեր մեջ միշտ էլ լուրջ խոսակցություններ լինում են, բայց մնացած մասը իրականությանը չի համապատասխանում: Երկրորդ նախագահի հետ՝ նորմալ, աշխատանքային հարաբերություններ են»:



ՀՀ էկոնոմիկայի նախարար Վահան Բերրոյանը, պարզվում է, բազմապրոֆիլ անձնավորություն է եւ իրեն փորձում է նաեւ այլ ոլորտներում: Ապացույցը նախարարի պահվածքն է, ՀՀ կառավարության նիստերի ժամանակ հնչեցրած հայտարարությունները: Բանն այն է, որ Վահան Բերրոյանը գրեթե յուրաքանչյուր հարցի քննարկման ժամանակ արտահայտվում է, կարծիք ասում այն դեպքում, երբ հարցն այլ ոլորտների է վերաբերում: Պարզվում է՝ նա ոչ միայն կարող է խոսել խոշոր եղջերավոր անասունների պահման պայմանների, ֆերմերների տարբեր բողոքների մասին, այլ նաեւ, օրինակ, խոսել «Վայլըբերիզ»-ից տուժած քաղաքացիների մասին: Երեկ՝ կառավարության նիստի ժամանակ, նա անցավ դեղերի ոլորտին, խոսեց դեղագործական արդյունաբերության զարգացման հնգամյա ծրագրի մասին: «Ժողովուրդ» օրաթերթը մայիսի 24-ի իր համարում գրել էր, որ Վահան Բերրոյանը ԱՄԷ այցի վերաբերյալ հաշվետվություն է ներկայացրել, որում որպես ձեռքբերում նշված է եղել ԱՄԷ հանդուրժողականության եւ համակցության նախարարության եւ ՀՀ աշխատանքի եւ սոցիալական հարցերի նախարարության միջեւ կնքված հուշագիրը: Ստացվում է՝ Վահան Բերրոյանն իրեն փորձում է ամենատարբեր ոլորտներում. միգուցե ցանկանում է նոր պաշտոն ստանալ:



Մի քանի օր է, ինչ Ազգային անվտանգության ծառայությունը մեկը մյուսի հետեւից պաշտոնական հաղորդագրություններ է տարածում Հայաստանի թմրանյութեր ներմուծելու վերաբերյալ: Նախ՝ մայիսի 13-ին հայտնի դարձավ, որ 1 տոննա Հերոին է ներմուծվել Հայաստան, որը կապվում է ԱԺ նախկին պատգամավոր Միհրան Պողոսյանի անվան հետ, սակայն հետախուզման մեջ գտնվող պատգամավորը հայտարարել էր, թե իրենք են բացահայտել դեպքն ու հայտնել իրավապահներին: Գործով կալանավորվել է «Մրգենի» ՍՊ ընկերության ներմուծումների եւ գնման բաժնի պետ Մ.Ղ.Ն. , իսկ երեկ ձերբակալվեց ընկերության պահեստապետը: Այս հայտարարությունից մի քանի օր անց ԱՄԾ-ն հայտնեց, որ մայիսի 18-ին Իրանի Իսլամական Հանրապետությունից մաքսանենթ ճանապարհով Հայաստանի Հանրապետություն են պատրաստվում ներկրել իրացնելու նպատակով ապօրինի ձեռք բերված առանձնապես խոշոր չափերի տարատեսակ թմրամիջոցների խմբաքանակ, ինչպես նաեւ զենք, զինամթերք: Պարզվում է՝ այսքանով պատմությունը չի ավարտվում. «Ժողովուրդ» օրաթերթի բացառիկ տեղեկությունների համաձայն՝ Ազգային անվտանգության ծառայությունը նոր բացահայտում է արել՝ ՀՀ թմրանյութ ներմուծելու գործընթացով իրավապահները պարզել են, որ գործում խառնված են ներկայիս քաղաքական իշխանության կարկառուն դեմքեր: Իսկ թե ով կամ ովքեր են նրանք, կհայտնենք «Ժողովուրդ» օրաթերթի առաջիկա հրապարակումներով:



ԲԱԲԱՅԱՆԻ ԱՐՁԱԳԱՆՔԸ

# ՀԱՄԵՄԱՏԵԼԸ ԺՈՂՈՎՐԴԻՆ ԾԱՂԻԷԼ Է

«Քաղաքացիական խմբակցության» դասգամավոր Գուրգեն Արսենյանը, երեկ լրագրողների հետ զրույցում անհրաժեշտաբար ՀՀ վարչապետի՝ Արցախյան Ադրբեջանի կազմում ճանաչելու դաստիարակությունը, ասաց. «Որդես Գուրգեն Արսենյանի հայտարարում են իմ լիակատար աջակցությունը Նիկոլ Փաշինյանի կողմից իրականացվող քաղաքականությանը, այդ թվում՝ խաղաղության օրակարգը իր ավարտին հասցնելու ձգտումներին: Ես երկու ձեռքով դաշտայնություն են մեր խաղաղության օրակարգը, այն գործընթացը, որը հարեան երկրի հետ բերելու է խաղաղության, այդ թվում նաև սահմանափակ ամբողջականության փոխադարձ ճանաչմանը»:



Վրոյությունների հետ. սա անմիջապես ածանցյալ է նրա ներքին զգացմունքների Արցախի հանդեպ: Այստեղ բացարձակ հնարավորությունների խնդիր չկա, բոլոր հնարավորություններն էլ կան Արցախի կողմից լինելու: Արցախը Գլենդեյլը չէ, Գլենդեյլում հայությանը կոտորած չի սպասվում, մնացած տեղերում էլ չի սպասվում: Թող այդ ցնդաբանությունները մի կողմ դնեն, որովհետև Գլենդեյլում, Մոսկվայում, Փարիզում եւ այլուր հայերը ցեղասպանության առաջ չեն կանգնած:

Արցախի ցեղասպանության տակ ստորագրում է նաև այդ Գուրգեն Արսենյան կոչեցյալը, որը 100%-ով պատրաստ է Արցախը հանձնել նույնիսկ մինչև այդ գործընթացը սկսելը:

Արցախը անմիջապես հայոց պետականության, ընդհանուր հայրենիքի մի մասն է: Արցախը կորցնելուց հետո Հայաստանն է կորչելու, եւ թող Արսենյանները, ովքեր չեն հասկանում կամ միտումնավոր են դա անում, չհորձեն մարդկանց ու շահույթները շեղել գլենդեյլներով ու բեյրութներով: Եթե որեւէ մեկը արցախատյաց է, ինչպես Արսենյանը, այդ մարդը կյանքում չի պայքարի Արցախի համար, չի պայքարելու նաև Գորիսի համար: Եթե դու չես ուզում մի բան անել, չի նշանակում չես կարող», - նշեց Բաբայանը:

Անդրադառնալով ՀՀ վարչապետ Նիկոլ Փաշինյանի՝ Արցախյան Ադրբեջանի

կազմում ճանաչելու հայտարարությանը՝ Բաբայանը պատասխանեց, որ այդ ամենը բերելու է միայն արցախահայության ցեղասպանության. «Սա միայն Արցախի խնդիրը չէ, սա հայ ազգի ինքնորոշման հարցն է: Ի վերջո, այդ ազգը գոյություն ունի թե ոչ, եւ ովքեր են այդ հայերը՝ Արսենյանները, թե՛ Եռաբլուրում հանգչողները: Ես չգիտեմ ինչ է կատարվել այս ժողովրդի հետ, կերպարանափոխվել են, մուտացիայի են ենթարկվել: Թող ոչ մեկը կասկած չունենա, որ եթե նման քայլերով, նման մոտեցմամբ իր սեփական ժողովրդի մի հատված տանում է մատաղացու դարձնելու, լավ չի լինելու բոլորի համար»:

Ես չեմ հասկանում, ժողովրդին ապուշի տեղ են դնում, թե՛ ժողովուրդը ուզում է այդպիսի բաներ լսել: Մենք ինքնորոշվել ենք 1988 թվականին եւ միասին ենք ինքնորոշվել, ու եթե չլինեք Արցախյան ազգային ազատագրական շարժումը, անկախ Հայաստան էլ չէր լինի: Եթե Արցախից հրաժարվում են, դա իրենցից կտրում շարժում են, պարզ է՝ ինչ հետեւանքներ է ունենալու: Ես չգիտեմ՝ հետագայում ինչ կլինի, այդ Արսենյանները որտեղ կլինեն, բայց հիմա Արցախը Գլենդեյլի հետ համեմատելը ուղղակի ժողովրդին ծաղրելն է, էջի տեղ դնելն է եւ այդ ատելությունը Արցախի հանդեպ չզսպելու կարողությունն է», - եզրափակեց Գալիթ Բաբայանը:

ՄԱՆԱ ՄԵԼՔՈՆՅԱՆ



## ՄԵՐԺՎԱԾ ԳԱՏԱՎՈՐԸ

Մայիսի 24-ին ՀՀ Ազգային ժողովում տեղի ունեցած քննարկմանը հաջորդած դատավորի ընտրությունը շահաճուն ապտակ էր բռնանքի ճամփան բռնած ուժային կառույցների եւ դատական իշխանության բոլոր ներկայացուցիչների համար:

Դատավոր Արմեն Դանիելյանը, որ Նիկոլ Փաշինյանի իշխանության աչքին բարձրանալու համար վճիռներ էր կայացնում՝ մերժելով արդարադատությունը, ինքը մերժվեց ԶԳ-ի կողմից: Երբ «Հայաստան» խմբակցության պատգամավոր Արթուր Սարգսյանը դատավոր Դանիելյանից հրապարակավ թիվ մեկ ամբիոնից բացատրություն պահանջեց իրեն անհիմն ու ապօրինի կալանավորելու համար, դատավորի հեղինակությունն իր ամբարտավանությամբ փորձեց պաշտպանել տխրահռչակ Հովիկ Աղազարյանը, սակայն երեկ կայացած դատավորի քվեարկության արդյունքները ցույց տվեցին, որ Դանիելյանի կերպարը անզամ ԶԳ-ում է մերժելի:

Բանն այն է, որ քաղաքական իշխանությունների սրտից բխող կալանքներ տված դատավորի

Արմեն Դանիելյանին խորհրդարանում չօգնեցին իր կայացած որոշումները. նա չընտրվեց Նոր ստեղծված Հանրակրոնապետական դատարանի դատավոր:

Հիշեցնենք, որ Վճռաբեկ դատարանի հակակրոնապետական պալատի կոռուպցիոն հանցագործությունների քննության դատական կազմի դատավորի թափուր տեղի համար ԲԴԿ-ն առաջադրել էր Արմեն Դանիելյանի, Ելիզավետա Դանիելյանի եւ Արսեն Նիկողոսյանի թեկնածությունները: Երեկ ընտրվեց Ելիզավետա Դանիելյանը. նրա օգտին կողմ էր քվեարկել 67 պատգամավոր:

## ՄՏՈՐԱԳՐԱՆՎԱՔԸ ԸՆԴՈՒՆԱԿՈՒՄ Է ՖԻՆԱՆՍՈՒՄ

Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «Քանի որ Սփյուռքի մի շարք հայրենակիցներ պարբերաբար դիմում են ինձ իրենց համայնքներում եւ ստորագրահավաքը կազմակերպելու խնդրանքով, խորհրդանշական ակցիա սկսեցինք Ֆրանսիայում»:

Ինչո՞ւ՝ հենց Ֆրանսիայում. Ֆրանսիան այն առաջինն է բացառիկ երկրներից է, որ նախագահի մակարդակով բարձրացրել է Արցախի ժողովրդի ինքնորոշման հարցի անհրաժեշտությունը եւ բարձրացրել է այն ժամանակ, երբ Նիկոլ Փաշինյանը կարեւորագույն այդ հարցի մասին բնավ չէր խոսում:

Ֆրանսիայում իրականացվող ստորագրահավաքին, ցավոք սրտի, կարող են մասնակցել միայն Հայաստանի քաղաքացիություն եւ Հայաստանում ընտրելու-ընտրվելու իրավունք ունեցող մարդիկ. նպատակն այն է, որ այս կարևոր գործընթացի մասնակիցը դառնան հենց Հայաստանի ընտրողները:

Ստորագրահավաքը կշարունակվի մինչև կիրակի օրը Փարիզի Իսի լե Մուլին (Issy-les-Moulineaux) համայնքի Սուրբ Մարիամ Աստվածածին եկեղեցու բակում:

Հ.Գ. Ֆրանսիայում սարող մեր բոլոր հայրենակիցները կարող են կապ հաստատել ինչ հենց ինչ եւ ժամի հեն կապված ճեղք-կասկություն ստանալու համար»:

## ԱՆՈՒՆՆԵՐ

# ՈՎՔԵՐ ԵՆ ԵՊՔ ԶԵՐԲԱԿԱԿԱԾ ԳԱՄԱԽՈՄՆԵՐԸ

Երեկ Հակակոռուպցիոն կոմիտեի հայտարարություն էր արձանագրվում, որ կառավարության մեղադրանքով ձերբակալվել են ԵՊՀ Տնտեսագիտության եւ կառավարման ֆակուլտետի դեկանը, նրա տեղակալը, նույն ֆակուլտետի երկու դասախոս, ինչպես նաև վերջիններիս կառավարող սված 5 անձինք:

Այսպիսով, խոսքը ԵՊՀ տնտեսագիտության եւ կառավարման ֆակուլտետի դեկան Հայկ Սարգսյանի, նույն ֆակուլտետի ամբիոնի դոցենտ Գագիկ Տնտեսյանի եւ այլ անձանց մասին է, որոնք, օրինակ, 2023 թվականի փետրվարից մարտն ընկած ժամանակահատվածում, ֆակուլտետի տարբեր կուրսերում սովորող ուսանողների օգտին ապօրինի գործողություններ կատարելու դիմաց, որպես կաշառք պահանջել եւ ստացել են տարբեր չափի գումարներ:

Ֆակուլտետի դեկանի հետ կապված սա միակ ուշագրավ դրվագը չէ. հեղափոխությունից հետո դեկան Հայկ Սարգսյանը բավականին ակտիվ է եղել, անգամ ինքն է 2019 թվականին կազմակերպել Նիկոլ Փաշինյանի հանդիպումը Տնտեսագիտության եւ կառավարման ֆակուլտետի պրոֆեսորադասախոսական կազմի եւ ուսանողների հետ: Սարգսյանը դեկանի պաշտոնում նշանակվել է 2000 թվականին: Եվ չնայած հեղափոխությունից հետո Սարգսյանը դրական է արտահայտվել Փաշինյանի իշխանության հասցեին, անգամ տն-

տեսական հեղափոխությունն իրողություն համարել, սակայն նաև եղել են դեպքեր, երբ, որպես ԵՊՀ դեկան, նաև դեմ դիրքորոշմամբ է հանդես եկել:

Ի վերջո, ինչո՞ւ երկարամյա դեկանին հիշեցին հենց հիմա: Հարց է առաջանում, թե դեկան Հայկ Սարգսյանը, վերցնելով այդ գումարները, ինչ էր արդյոք դա անում, եւ արդյոք այդ գործունեության մասին տեղյակ է եղել նաև ԵՊՀ ռեկտոր Հովհաննես Հովհաննիսյանը: Սրանք հարցեր են, որոնց պատասխաններն իսկապես կարելի էր տեսնել: ArmLur.am-ը երեկվանից փորձում էր այս հարցերի պատասխանները ստանալ ԵՊՀ ռեկտորից, սակայն նրա հետ կապ հաստատել այդպես էլ չհաջողվեց:

ՆԱԻՐԱ ՀՈՎՀԱՆՆԻՍՅԱՆ

ՓՈՓՈԽՈՒԹՅՈՒՆՆԵՐ

ՀԱՄԱԿԱՐԳՈՒՄ

Armlur.am-ը տեղեկացավ, որ քրեակատարողական համակարգում փոփոխություններ կկատարվեն: Մասնավորապես, նախատեսվում է քրեակատարողական հիմնարկներում գործող օպերատիվ ստորաբաժանումները կենտրոնացնել քրեակատարողական ծառայության կենտրոնական մարմնում ստեղծվող օպերատիվ վարչության ենթակայության ներքո: Բանն այն է, որ ներկայումս քրեակատարողական ծառայության օպերատիվ բաժինը եւ քրեակատարողական հիմնարկների օպերատիվ բաժինները գործում են միմյանցից անկախ, քրեակատարողական հիմնարկների օպերատիվ բաժինները գործում են քրեակատարողական հիմնարկի պետի ենթակայությամբ:

«Օպերատիվ-հետախուզական գործունեության մասին» օրենքի 8-րդ հոդվածի 1-ին մասի 5-րդ կետի համաձայն՝ օպերատիվ-հետախուզական գործունեություն իրականացնելու իրավունք ունի քրեակատարողական ծառայությունը, տվյալ դեպքում՝ քրեակատարողական ծառայության կենտրոնական մարմինը:

Ըստ այդմ «Օպերատիվ-հետախուզական գործունեության մասին» օրենքի հետ հակասությունը վերացնելու եւ քրեակատարողական հիմնարկներում օպերատիվ-հետախուզական գործունեության արդյունավետությունը բարձրացնելու համար անհրաժեշտություն է առաջացել կատարել նշված կառուցվածքային փոփոխությունը, որի արդյունքում քրեակատարողական ծառայության կենտրոնական մարմնի օպերատիվ վարչության ենթակայությամբ կկենտրոնացվեն քրեակատարողական հիմնարկների օպերատիվ ստորաբաժանումները՝ որպես տարածքային բաժիններ եւ բաժանմունքներ:

Բացի այդ, օպերատիվ վարչության ստորաբաժանումները նոր կադրերով համալրելու նպատակով կսահմանվեն մրցույթի եւ ուսուցման համապատասխան ընթացակարգեր: Նախագիծը ընդգրկված էր կառավարության երեկվա նիստի օրակարգում, ընդունվելուց հետո այն կուղարկվի խորհրդարան:

ՆՈՐ

ՓՈՓՈԽՈՒԹՅՈՒՆՆԵՐ

Ուղեորափոխադրումներ եւ բեռնափոխադրումներ իրականացնող վարորդները պարբերական վերապատրաստում պետք է անցնեն: Մասնավորապես, այդպիսի կանոնակարգում է նախատեսվելու «Ավտոմոբիլային տրանսպորտի մասին» օրենքում լրացումներ կատարելու մասին» օրենքների նախագծերի փաթեթով: Բանն այն է, որ ՀՀ օրենսդրությամբ սահմանված են վարորդական վկայական ստանալու համար որակավորման պահանջները, սակայն ուղեորափոխադրումներ եւ բեռնափոխադրումներ իրականացնող վարորդների պարբերական վերապատրաստման եւ որակավորման պահանջներ ՀՀ օրենսդրությամբ նախատեսված չեն, իսկ դա պետք է իրականացվի ԵՄ օրենսդրության պահանջներին ներդաշնակեցնելու համար: Այսպիսով, սահմանվելու է, որ ընդհանուր օգտագործման ավտոմոբիլային տրանսպորտով փոխադրումներ իրականացնող «C», «D», «CE», «DE», «C1E», «D1E» կարգ ունեցող վարորդները պետք է պարբերական մասնագիտական վերապատրաստում անցնեն եւ մասնագիտական որակավորում ստանան: Հավելելով, որ խոսքը վերաբերում է ավտոմոբիլային տրանսպորտով միջպետական բեռնափոխադրումներ եւ ուղեորափոխադրումներ իրականացնող վարորդներին:

ՀԱՆԴԻՊՈՒՄ

ԼԵԳԻՏԻՄՈՒԹՅԱՆ ԼՈՒՐՔ ԽՆԴԻՐ Է ԱՌԱՋԱՆԱԼՈՒ

Աժ մարդու իրավունքների դաճաճումը եւ հանրային հարցերի մշակման հանձնաժողովի նախագահ, անկուսակցական Թագուհի Թովմասյանը հանդիպում է ունեցել ՀՀ-ում Շվեդիայի Թագավորության արտակարգ եւ լիազոր դեսպան Ն.Պ. դարոն Պասրիկ Սվենսոնի հետ:

Անդրադառնալով Բրյուսելում Շառլ Միշելի հյուրընկալությամբ հայ-արդթեզանական բանակցությունների արդյունքներով հնչեցված հայտարարություններին՝ գործընկերների ներկայացրի ՀՀ գերագույն խորհրդի՝ 1992թ. հուլիսի 8-ի որոշումը, որի 2-րդ կետում ասվում է. «Հայաստանի Հանրապետության համար անընդունելի համարել միջազգային կամ ներպետական ցանկացած փաստաթուղթ, որտեղ Լեռնային Ղարաբաղի Հանրապետությունը նշված կլինի Ադրբեջանի կազմում»:

Այս համատեքստում ահազանգեցի, որ նույնիսկ եթե Նիկոլ Փաշինյանը ստորագրի որեւէ փաստաթուղթ, որով Արցախը թողնի Ադրբեջանի կազմում, լեգիտիմության լուրջ խնդիր է առաջանալու:

Պարոն Սվենսոնին տեղեկացրի, որ Նիկոլ Փաշինյանը խոսում է ամբողջ հայ ժողովրդի անունից, մինչդեռ իմ նախածեռնած «Ոչ Արցախի էթնիկ գտմանը» ստորագրահավաքին արդեն իսկ հավաքվել է ավելի քան 300.000 ստորագրություն:

Խոսելով Սոթքում առկա իրավիճակի լարման ուղղված արթնջանական գործողությունների մասին, որի պայմաններում Սոթքի հանքի մոտ 800 աշխատակիցներ չեն կարողանում աշխատանքի գնալ, իսկ Նիկոլ Փաշինյանը խոսում էր Աժ-ում բոլորովին այլ թեմաների մասին, գործընկերոջս ներկայացրի, որ անթուլատրելի էր այլեւս հանդուրժել խոսքերը, որոնք հնչում էին Աժ ամբիոնից՝ Արցախը փաստացի ճանաչելով Ադրբեջանի կազմում:

Այս պայմաններում հրատապ խնդիրներին ուշադրություն հրավիրելու նպատակով որոշել էի, ի նշան բողոքի, իրականացնել քաղաքական ակցիա, չիջնել ամբիոնից, որն ընդունված է ժողովրդավարական երկրներում, սակայն ընդմիջման ժամին անվտանգության աշխատակիցներն ինձ բռնի ուժով հեռացրին Աժ նիստերի դահլիճից:



Դեսպանին ներկայացրի նաեւ մեր հանձնաժողովի արտահերթ նիստի մանրամասները, այդ թվում նաեւ պատգամավոր Աժ «Քաղաքացիական պայմանագիր» խմբակցության քարտուղար Արթուր Յովհաննիսյանի կողմից այնպիսի արտահայտությունների օգտագործումը ՄԻԴ-ի՝ ընդդիմադիր խմբակցությունների թեկնածուի հասցեին, ինչպես, օրինակ, «Լեզուդ կկտրեն», «Ականջդ կկտրեն»:

Ահազանգեցի նաեւ Աժ «Քաղաքացիական պայմանագիր» խմբակցության պատգամավոր Հովիկ Աղազարյանի կողմից քաղաքացուն՝ կնոջն ուղղված հայտնայանքի մասին, եւ նշեցի, որ այս անթուլատրելի վարքագիծը դրսեւորած պատգամավորները մնացել են անպատիժ այն դեպքում, երբ Նիկոլ Փաշինյանը Հայաստանը համարում է «ժողովրդավարության բաստիոն»:

Իր խոսքում դեսպանը շնորհակալություն հայտնեց նշված ահազանգերն իրեն հասցնելու համար եւ հավաստիացրեց, որ ընդունել է այդ հաղորդագրություններն՝ ի գիտություն, կփոխանցի դրանք ՄԱԿ-ի Զարգացման ծրագրի իր գործընկերներին, որպեսզի նրանք ինկորպորացնեն համապատասխան գործողությունները Շվեդիայի կողմից հովանավորվող ծրագրում, որն իրականացվում է խորհրդարանում:

Պարոն Սվենսոնը նաեւ արտահայտեց իր մտահոգությունները նման միջադեպերի վերաբերյալ առհասարակ եւ ընդգծեց խորհրդարանում վարքագծի կանոնների մշակման եւ պահպանման կարևորությունը:

ԼՈՒՐԵՐ

ՇԱՐՎԵՏ ՊԱՇՏՈՆ

Armlur.am-ի տեղեկությունների համաձայն՝ Հայաստանի ֆիզիկական կուլտուրայի եւ սպորտի պետական ինստիտուտի ղեկավարի պարտականությունները կատարող Անժելա Նուշիկյանը նոր պաշտոն է ստացել, քանի որ նրա որդին եւ Աշոտ Փաշինյանը սովորել են նույն դասարանում:

Ավելին՝ մեզ հասած տեղեկությունների համաձայն՝ Հայաստանի ֆիզիկական կուլտուրայի եւ սպորտի պետական ինստիտուտի ղեկավարի պարտականությունները կատարող Անժելա Նուշիկյանը հենց նույն ժամանակահատվածում ձեռք է բերել երկու մեծ եւ ընդարձակ բնական:

Armlur.am-ն այս առնչությամբ կապ հաստատեց վերջինիս հետ. նա, լսելով մեր հարցադրումները, զայրացած նշեց. «Դրանք բոլորը ստեր են, եւ պարզելը շատ հեշտ է: Այսուհետ ինձ հետ կապ չհաստատեք, ճիշտ հասցեով չեք գալ»:

ԼՈՒՐԵՐ

ՄԱՍՆԱԿՑՈՒԹՅՈՒՆԸ ԿԱՐԵՎՈՐ Է

Աշոտ Փաշինյանն իմ որդու հետ բացարձակ կապ չունի: Իմ տղան սովորել է Ջոն Կիրակոսյանի անվան թիվ 20 դպրոցում»:

Իսկ մեր այն հարցին, թե արդյոք բնակարաններ այս ընթացքում ձեռք չի բերել, մեր զրուցակիցը վրոզված անջատեց հեռախոսը:

Ավելի վաղ Armlur.am-ը գրել էր, որ Հայաստանի ֆիզիկական կուլտուրայի եւ սպորտի պետական ինստիտուտի ղեկավարի պարտականությունները կատարող Անժելա Նուշիկյանն այդ պաշտոնին է նշանակվել առանց գիտական աստիճան ունենալու:

Տեղեկությունը պարզաբանելու համար Armlur.am-ը կապ հաստատեց Անժելա Նուշիկյանի հետ, որը մեզ հետ զրույցում հաստատեց մեր տեղեկությունը:

«Գիտական աստիճան, այո՛, ես չունեմ, եւ ես իմա ղեկավարի պարտականությունները կատարող եմ»,-նշեց մեր զրուցակիցը:

ՄԱՍՆԱԿՑՈՒԹՅՈՒՆԸ ԿԱՐԵՎՈՐ Է

ՌԴ պաշտպանության նախարար Սերգեյ Շոյգուն հայտարարել է ՀԱԿԿ-ի համատեղ օպերատիվ-մարտական գործունեությանը հայկական կողմի մասնակցության կարևորության մասին:

«Հայաստանը մեր կազմակերպության անդամն է, մեր դաշնակիցը: Մենք շահագրգռված ենք խաղաղության հաստատմամբ եւ ամեն ինչ անելու ենք Կովկասում իրավիճակը կայունացնելու համար»:

Միեւնույն ժամանակ, ես հատկապես կցանկանայի նշել Հայաստանի մասնակցության կարևորությունը ՀԱԿԿ-ում օպերատիվ եւ մարտական պատրաստության վերաբերյալ համատեղ աշխատանքին,- ասել է Շոյգուն կազմակերպության պաշտպանության նախարարների խորհրդի՝ Մինսկում կայացած հանդիպմանը:

ՄԵՂԱԳՐԱԼԵ

ՎԵՐԱԿԱՆԳԻՎԵԼ Է 500ՄԼՆ ԳՐԱՄԻ ԶԱՐԿԱՅԻՆ ՊԱՐՏԱՎՈՐՈՒԹՅՈՒՆ

ՀՀ Բնակավայրային կոմիտեի անդամակազմի անդամները և մասնագետները...



Այդպես «ԱՎԱՍ ԳՐՈՒՊ» ՍՊ ընկերության տնօրեն Ա.Ս.Ն. տիրապետելով ընկերության կողմից...

մարմնի կողմից միջնորդություններ են ներկայացվել հսկող դատախազին...

ԱՊԱՐԱՆԻ ԿՐԱԿՈՑՆԵՐ

ՁԵՐԲԱԿԱԿԵԼ Է ԵՐԿՐՈՐԴ ՄԵՂԱԳՐՅԱԼԸ

Քիչ առաջ ArmLur.am-ին հայտնի դարձավ, որ իրավապահները 1 տարի անց...

Ի դեպ, հայտնել ենք, որ գործով հարցաքննվել էր ԱԺ ԶՊ-ական պատգամավոր Մաթեոս Ասատրյանի եղբայրը...

«Ժողովուրդ» օրաթերթի ձեռքում էր հայտնվել ԱԺ ԶՊ խմբակցության պատգամավոր Մաթեոս Ասատրյանի եղբոր ցուցմունքը...

Մասնավորապես, նա իր ցուցմունքում հայտնել է, որ կրակոցների օրը՝ 2022 թվականի հունիսի 19-ի առավոտյանից...

Կեսօրին (հստակ ժամը չի հիշում) իր տուն եկան Արագածոտնի փոխմարզպետ Էդգար Փարվանյանը և Ապարանի գնդի հրամանատար, իր իմանալով ներկայումս ՊՆ նախարարի խորհրդական Ռազմիկ Պետրոսյանը...

Հիշեցնենք, որ նախորդ տարի՝ հունիսի 19-ին հնչած կրակոցների հետևանքով սպանվել էր 3 անձ՝ 27-ամյա պայմանագրային զինծառայող Զմայակ Միքայելյանը...

Դեպքից հետո անմիջապես լուրեր տարածվեցին, թե ՀՀ վարչապետ Նիկոլ Փաշինյանին հայիոյելու համար վիճաբանություն է սկսվել մի խումբ երիտասարդների և ԶՊ-ական պատգամավոր Մաթեոս Ասատրյանի ու Արագածոտնի փոխմարզպետ Էդգար Փարվանյանի հարազատների միջև:

Ըստ այդ լուրերի՝ վիճաբանության ընթացքում ԶՊ-ական պատգամավորների հարազատները ավտոմատներով կրակել են Փաշինյանին հայիոյած երիտասարդների վրա: Գործով կալանավորված է մեկ անձ՝ Արմեն Զովհաննիսյանը:

ՔԱՐ ՄԱՆՈՒԿՅԱՆ

ՍՊԱՆՈՒԹՅՈՒՆ

ԿԱԼԱՆԱՎՈՐՎԵԼ Է ԱԶԳԱԿԱՆԸ

ՀՀ Բնակավայրային կոմիտեի Արագածոտնի մարզային Բնակավայրային կոմիտեի անդամները...

ձեռնված քրեական վարույթի նախաքննության ընթացքում կատարված քննչական գործողությունների, ինչպես նաև օպերատիվ-հետախուզական միջոցառումների արդյունքում պարզվել է ենթադրյալ հանցագործությունը կատարած անձի ինքնությունը, որը տուժողի ազգականն է՝ ծնված 1982թ.:

2023 թվականի մայիսի 19-ին ժամը 15:30-ի սահմաններում, վերջինս այցելել է բարեկամուհու՝ Աշտարակ համայնքի Տիգրան Մեծի փողոցում գտնվող բնակարան, որի հյուրասենյակում վերջինիս առանձին դաժանությամբ ապօրինաբար կյանքից զրկելու դիտավորությամբ նախաքննությամբ դեռևս չպարզված գործիքով բազմաթիվ հարվածներ է հասցրել նրա մարմնի տարբեր հատվածներին՝ պատճառելով կյանքի հետ անհամատեղելի մարմնական վնասվածքներ:

40-ամյա տղամարդը մայիսի 20-ին հայտնաբերվել է Երեան քաղաքի Երվանդ Քոչար փողոցում գտնվող հյուրանոցային համալիրում և ձերբակալվել՝ սպանություն կատարելու անմիջականորեն ծագած կասկածի հիմքով:

Ձեռք բերված փաստական տվյալների հիման վրա՝ տղամարդու նկատմամբ հարուցվել է հանրային քրեական հետապնդում, և նրան մեղադրանք է ներկայացվել՝ ՀՀ քրեական օրենսգրքի 155-րդ հոդվածի 2-րդ մասի 6-րդ կետով:

Միջնորդություն է ներկայացվել դատարան՝ նրա նկատմամբ կալանավորումը որպես խափանման միջոց կիրառելու վերաբերյալ, որը բավարարվել է, և մեղադրյալը տեղափոխվել է քրեակատարողական հիմնարկ:

Նախաքննությունը շարունակվում է, ձեռնարկվում են համապատասխան միջոցներ՝ դեպքի ամբողջական հանգամանքները պարզելու ուղղությամբ:

● Ըստ ոստիկանության տվյալների՝ մայիսի 24-ից 25-ը Հայաստանի Հանրապետությունում բացահայտվել է հանցագործության 75 դեպք, որոնցից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

88 ՀԱՍՏԻՔ՝ ԱՃԵԱՏԱԿԱԶՄՈՒՄ

Մայիսի 16-ին Տավուշի մարզպետ Յայկ Ղալումյանը որոշում է ընդունել Տավուշի մարզպետի՝ 2023թ. մարտի 29-ի «Յայաստանի Յանրապետության Տավուշի մարզպետի աշխատակազմի կառուցվածքային ստորաբաժանումների ներքին միավորները հաստատելու մասին» թիվ 68-Ա որոշումը շարադրել նոր խմբագրմամբ, դադարեցնել տարածքային կառավարման եւ տեղական ինքնակառավարման հարցերի վարչության տեղական ինքնակառավարման եւ համայնքային ծառայության հարցերի բաժնի եւ հանրապետական գործադիր մարմինների տարածքային ստորաբաժանումների գործունեության համակարգման բաժնի գործունեությունը, դադարեցնել գյուղատնտեսության եւ շրջակա միջավայրի պահպանության վարչության բնապահպանության բաժնի գործունեությունը, դադարեցնել ֆինանսական վարչության ֆինանսատնտեսագիտական բաժնի գործունեությունը: Մարզպետ Յայկ Ղալումյանը մայիսի 19-ին որոշում է ընդունել Տավուշի մարզպետի աշխատակազմի հաստիքացուցակը հաստատելու մասին: Հաստատված հաստիքացուցակը խիստ ուժեղացած է. այն ունի 88 հաստիք: Ներկայումս այդ 88 հաստիքներից զբաղեցված է 75-ը, 13 հաստիք թափուր է: Տավուշի մարզպետարանից, պատասխանելով լրագրողիս տեղեկատվական հարցմանը, նշել են, որ թափուր հաստիքների զբաղեցնել-զբաղեցնելու հարցը կորոշվի Տավուշի մարզպետի աշխատակազմում ընթացող կառուցվածքային փոփոխությունների ավարտից հետո: Տավուշի մարզպետարանը փաստացի կառավարում է միայն երկու ոլորտ՝ մարզի հանրակրթական դպրոցները եւ մարզի պետական բուժօժիմնարկները. մարզպետի աշխատակազմը այդ ոլորտները կառավարում է Կրթության, գիտության, մշակույթի եւ սպորտի ու Առողջապահության նախարարությունների հետ համատեղ: Ըստ հաստատված հաստիքացուցակի՝ Տավուշի մարզպետն ունի թվով 3 տեղակալ, երկուական օգնական եւ խորհրդական, մարզպետի երկու տեղակալներն ունեն օգնականներ, մարզպետարանն ունի գլխավոր քարտուղար եւ գլխավոր քարտուղարի տեղակալ: Մարզպետարանը ՄԱԿ-ը կամ ՆԱՏՕ-ն է, որ գլխավոր քարտուղարի հաստիք ունենա; Տավուշի մարզպետարանը կարելի է կոչել Իջեանի մարզպետարան, քանզի մարզպետարանի գրեթե բոլոր պաշտոնյաները Իջեան համայնքի բնակիչներ են, Տավուշի մարզի Բերդ, Նոյեմբերյան, Դիլիջան խոշոր համայնքների բնակիչներից Տավուշի մարզպետարանում աշխատող պաշտոնյաներ չկան: Տավուշի մարզն արդեն երկու տարի ղեկավարում է վարչապետ Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որոշմամբ 2021թ. ապրիլի 8-ին Տավուշի մարզպետ նշանակված Յայկ Ղալումյանը:

ՈՍԿԱՆ ՍԱՐԳՅԱՆ  
Տավուշ

ՓՈԽՐԱՏՈՒՑՈՒՄ

773,3 ՄԼՆ ԴՐԱՄ՝ ԸԻՆՏԵԽՆԻԿԱՅԻ ԴԻՄԱՑ

Կառավարությունն իր երեկվա՝ մայիսի 25-ի նիստում որոշեց փոխհասուցել 2022 թվականի սեպտեմբերի 13-14-ը Ադրբեջանի կողմից սանձազերծված ռազմական գործողությունների հետևանքով Հայաստանի Հանրապետության դաշնային տարածքում գնումների մասին օրենսդրությամբ սահմանված կարգով ճանադարհաչինական եւ ինժեներական աշխատանքներ կատարող կազմակերպությունների կողմից կադավային աշխատանքների կատարմանը ներգրավված գույքին հակառակորդի կողմից հասցված վնասը:

Նախագծի հիմնավորման մեջ ասվում է. «2022 թվականի սեպտեմբերի 13-ից 14-ը Ադրբեջանի կողմից սանձազերծված ռազմական գործողությունների արդյունքում Յայաստանի Հանրապետության պաշտպանության նախարարության պատվերով ճանապարհաշինական եւ ինժեներական աշխատանքներ կատարող ընկերությունների տեխնիկաների դուրս բերումը ռազմական գործողությունների գոտիներից հնարավոր չի եղել ապահովել, որի արդյունքում դրանք անցել են հակառակորդի տիրապետության տակ:

Մասնավորապես, հարձակման ենթարկված տարածքներում աշխատանքներ կատարող թվով չորս ՍՊԸ-երի պատկանող ընդհանուր 17 միավոր տեխնիկաներ է հակառակորդի տիրապետության տակ, որից՝ 5 միավոր բուլդոզեր, 9 միավոր էքսկավատոր, 3 միավոր «Կամազ» ինքնաթափ, իսկ մեկ ՍՊԸ-ին պատկանող 1 միավոր էքսկավատորը եւ 1 միավոր «Կամազ» ինքնաթափն ու մեկ ՍՊԸ-ին պատկանող 1 միավոր ավտոկռունկը հակառակորդի գնդակոծության հետևանքով վնասվել են: Քանի որ համապատասխան աշխատանքները կատարվել են պետական կարիքների համար, ՀՀ կա-



ռավարության՝ 2022թ. դեկտեմբերի 15-ի N 1924-Ա որոշմամբ՝ նախատեսվել է Պաշտպանության նախարարության կարիքների համար կնքված կապալային աշխատանքների պայմանագրերով համապատասխան տրանսպորտային միջոցների անվերադարձ կորստի եւ վնասվելու պայմաններում համապատասխան կազմակերպություններին փոխհատուցում տալու ընթացակարգը: Դրա շրջանակներում համապատասխան պայմանագրերում ներառվել են գույքին հասցված վնասը պատվիրատուի կողմից փոխհատուցվելու դրույթները. գույքերին հասցված վնասը սահմանված կարգով գնահատվել է Պետական գույքի կառավարման կոմիտեի «Գույքի գնա-


հատման եւ աճուրդի կենտրոն» պետական ոչ առետուրային կազմակերպության կողմից, որի ընդհանուր չափը կազմում է 773,340.0 հազար դրամ, ինչպես նաեւ Յայաստանի Հանրապետության վարչապետի՝ 09.11.2021թ. թիվ 1279-Ա որոշմամբ ստեղծված միջգերատեսչական հանձնաժողովի նիստում եզրակացություն է կայացվել թվով 19 իրավաբանական անձանց փոխահատուցել հասցված վնասը, իսկ հակառակորդի տիրապետության տակ անցած 1 միավոր բուլդոզեր ԿՏ3 6-10 տեխնիկան հնարավոր չի եղել գնահատել՝ ելակետային փաստաթղթերի ամբողջական բացակայության պատճառով:

ՅԻՇՈՒՄ ԵՆ

ԿՆՈՎԵՐԻ ԹԵՄԱՆ՝ ԱԶԳԱՅԻՆ ԺՈՂՈՎՈՒՄ

«Եթե կովը ցրտադիմացկուն չէ, ուրեմն կով չէ, ու այն կովը, որն օրը 10 լիտր կար է սալիկ, ժամանակակից իմաստով ինքը կով չէ»: արսնի վարչապետ Նիկոլ Փաշինյանի խոսքերն են, որոնք նա ասել է երեկ՝ ԱԺ ԲԳ խմբակցության դաշնամավոր Գուրգեն Արսենյանի հարցին դասախոսման ժամանակ:

Հետաքրքիր է, որ սա առաջին դեպքը չէ, երբ Նիկոլ Փաշինյանն անդրադառնում է այդպիսի թեմաների: Դեռ 2020 թվականի հունվարի 23-ին՝ Կառավարություն-ԱԺ հարցուպատասխանի ժամանակ, Նիկոլ Փաշինյանը տեղական կաթի որակի մասին խոսելիս ասաց. «ՀՀ-ում արտադրվող կաթը չի համապատասխանում չափանիշներին, որն անհրաժեշտ է բարձրորակ արտադրանք ստանալու համար, որովհետեւ մենք սովորել ենք, որ կաթը պետք է կթենք ձեռքով, այլուրիսի դույլերով, ռեզինե սապոզներով, եւ այդ կաթի մեջ պետք է անպայման գումարդի որոշակի ներկայություն լինի: Թրիքոտ կաթով հնարավոր չի բարելավելություն ստանալ: Չի կարելի պահանջել, որ մթերոլները թրիքոտ կաթը մթերեն»: Դեռ 2011 թվականին էլ նախկին



վարչապետ Տիգրան Սարգսյանն էր այցելել Արագածոտնի մարզ ու հավաքված գյուղացիներին հորդորել կով կթելիս հետեւել հիգիենայի կանոններին: «Հարգելի՛ գյուղացիներ, օրինակ՝ դուք գիտե՛ք, որ կով կթելուց առաջ պետք է ձեռքերը լվանալ, դույլի վրա մառյալ գցել, կովի կուրծքը տաք ջրով լվանալ, փափուկ սրբիչով

չորացնել. սրանք տարրական կանոններ են»,- հավաքվածներին բացատրել էր նախկին վարչապետը: Հիմա էլ, փաստորեն, Նիկոլ Փաշինյանն է որոշել հիշել կովերին ու որոշել, որ վերջիններս պետք է ցրտադիմացկուն լինեն, հակառակ դեպքում կով չեն:

ՆԱԻՐԱ ՀՈՎՀԱՆՆԻՍՅԱՆ

● Անցած 1 օրվա ընթացքում Յայաստանի Հանրապետությունում արձանագրվել է 7 ճՏՊ. 1 մարդ զոհվել է, 6-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

ՀՐԱՊԱՐԱԿԱՅԻՆ ԾԱՆՈՒՑՈՒՄ

«Բիէսթի» ՍՊԸ-ն (այսուհետ՝ Կազմակերպչական ծախսերի մասին հրավերի կազմակերպիչ) ՍՊԸ-ի հարթակում իրականացնելու է բաց աճուրդի համապատասխան փուլերով «դասական» (զևի բարձրացմամբ), այսուհետև «հոլանդական» (զևի նվազեցմամբ) եղանակներով: Աճուրդի ընթացքում վաճառվելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտը:

- ք. Երեւան, Նոր-Նորք, Գյուլիքեխյան փողոց, 5 շենք, 3 հասցեում գտնվող 79,2 ք.մ. բնակարան եւ 8,8 ք.մ. ինքնակամ շինություն: Լոտի մեկնարկային գինը՝ 31600000 ՀՀ դրամ:

Լոտի նկատմամբ սահմանափակումները՝ գույքը գրավարված է:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 12.06.2023թ.-ին, ժ. 12:00-ին դասական եղանակով, այսուհետև յուրաքանչյուր աշխատանքային օր, լույս վայրում, լույս ժամին՝ հոլանդական եղանակով: Աճուրդի ավարտը՝ 12.07.2023թ.-ին: Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի էս Թի» ՍՊԸ -ի դրամարկղում աճուրդի կայացման հասցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում 2470103374150000 հաշվեհամարին) կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծիչի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը հայտ ներկայացրած անձը իրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպչը իրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտի աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռախոսահամարով կամ այցելել [www.ihcbst.am](http://www.ihcbst.am), [www.borsa.am](http://www.borsa.am) կայքերը:

ՊԱՅՄԱՆԱԳԻՐ

«ՔԱՂԱՔԱՅԻՆ ՃԱՆԱՊԱՐՇՆԵՐԻ ԾՐԱԳԻԲ»

ՀՀ կառավարությունն իր երեկվա մայիսի 25-ի նիստում որոշեց 19,9 մլն դրամ հատկացնել Վերակառուցման եւ զարգացման եվրոպական բանկի (ՎԶԵԲ) վարկային եւ դրամաճորհային միջոցների հաշվին իրականացվող Գյումրու քաղաքային ճանապարհների ծրագրի շրջանակներում կառավարող կազմակերպչության հետ կնքված դաշմանագրի ներքո ձեռնարկված դարավորությունները կատարելու համար վճարված կանխավճարի նկատմամբ հաշվարկված ԱԱՀ վճարումներն իրականացնելու համար:



Որոշման հիմնավորման մեջ նշվում է, որ Հայաստանի եւ ՎԶԵԲ-ի միջեւ 2016թ. մայիսի 11-ին ստորագրված «Գյումրու քաղաքային ճանապարհների ծրագիր» վարկային համաձայնագրով նախատեսվում է 14,6 մլն եվրո գումար տրամադրել Հայաստանի Հանրապետությանը համաձայնագրով սահմանված ծրագրի իրագործման համար:

Հարկ է նշել, որ ծրագրի հիմնական նպատակն է Գյումրու քաղաքում ունենալ անվտանգ երթևեկության կազմակերպման համար բարեկարգ փողոցներ եւ էներգախնայող արտաքին լուսավորության ցանց: Ծրագրի շրջանակներում, մասնավորապես, նախատեսվում է իրականացնել Գյումրու քաղաքի ճանապարհների հիմնամտորոգման եւ քաղաքի փողոցների արտաքին լուսավորության ցանցի արդիականացման աշխատանքներ, այդ թվում՝ ասֆալտի եւ մայրեզրերի նորոգում, ինչպես նաեւ ջրահեռացման/դրենաժային/ ենթակառուցվածքների արդիականացում, հետիոտնային նոր տարածքների կառուցում, քաղաքային լուսավորության ենթակառուցվածքների վերակառուցում եւ Գյումրու քաղաքի համար ավտոկայանատեղիների վերաբերյալ ռազմավարության եւ գործողությունների պլանի մշակում:

Ծրագրի իրականացման արդյունքում Ա եւ Բ Տրանշներով արդեն իսկ հիմնականորոգվել է 34 փողոց եւ 3 հրապարակ:

Ծրագրի ընդհանուր արժեքը կազմում է մոտ 23,840,000 եվրո, որից 14,600,000 եվրո վարկային միջոցներ տրամադրվում են ՎԶԵԲ-ի կողմից: Վարկը բաղկացած է 3 մասնաբաժիններից՝ Տրանշ Ա եւ Տրանշ

Բ՝ յուրաքանչյուրը՝ 5.3 մլն եվրո, Տրանշ Գ՝ 4 մլն եվրո:

Հարկ է նշել, որ վարկային միջոցների տրանշներին համապատասխան դրամաշնորհային միջոցները եւս տրամադրվելու են երեք տրանշներով (Տրանշ Ա-ի եւ Տրանշ Բ-ի համար՝ 2,650,000 - ական եվրո, Տրանշ Գ-ի համար՝ 2,000,000 եվրո):

Վերակառուցման եւ զարգացման եվրոպական բանկի վարկային եւ դրամաշնորհային միջոցների հաշվին իրականացվող «Գյումրու քաղաքային ճանապարհներ» ծրագրի շրջանակներում կապալառու կազմակերպության հետ 2020թ.-ին կնքված պայմանագրի համաձայն վճարված կանխավճարի նկատմամբ հաշվարկված

եւ այս տարի կատարված ԱԱՀ վճարումներից հետո 12017 եւ 12018 միջոցառումների համար նախատեսված 2023թ.-ի պետական բյուջեով նախատեսված համաֆինանսավորման գումարները սպառվել են:

Այժմ պայմանագրի ներքո վճարված կանխավճարի նկատմամբ հաշվարկված ԱԱՀ վճարման նպատակով անհրաժեշտ են 19,935.6 հազար դրամ վարկային եւ դրամաշնորհային պետական համաֆինանսավորման միջոցներ, հետեւաբար այս նախագծով առաջարկվում է 2023 թվականի պետական բյուջեով նախատեսված միջոցներից 19,935.6 հազար դրամ գումարը վերաբաշխել:

«ՅՈՒՆԻԲԱՆԿ»

ՏՈՒՐԻՍՏԱԿԱՆ ՈՒՂԵՎՈՐՈՒԹՅՈՒՆՆԵՐ՝ ՀԱՅԱՍՏԱՆՈՒՄ ԵՎ ԳՈՒԲԱՅՈՒՄ

«Յունիբանկ»-ը եւ Mastercard-ը իրականացնում են համատեղ արձակուրդի շրջանակում մուրհակային ծախսերի կարողություններ: «Վայելի՛ր ամառը «Յունիբանկ»-ի եւ Mastercard-ի հետ» արձակուրդի ընթացքում, որդես ամսական մրցանակ, կխաղարկվի երկօրյա ուղեւորություն Հայաստանում երկու հոգու համար, իսկ գլխավոր մրցանակը կլինի 7-օրյա ուղեւորությունը Գուբայ երկու հոգու համար:

«Վայելի՛ր ամառը «Յունիբանկ»-ի եւ Mastercard-ի հետ» արձակուրդի կարող են մասնակցել այս տարվա մայիսից մինչեւ հուլիսը ներառյալ «Յունիբանկ»-ում Mastercard տեսակի քարտ ձեւակերպած

եւ արձակուրդի ընթացքում ամսական 30 000 ՀՀ դրամ եւ ավելի գումարի անկանխիկ գնումներ կամ վճարումներ կատարած անձինք: Գլխավոր մրցանակը կխաղարկվի արձակուրդի ավարտին նշված ժամանակահատվածում Mastercard տեսակի քարտ ձեւակերպած եւ 100.000 ՀՀ դրամ եւ ավելի գումարի անկանխիկ գնումներ կամ վճարումներ կատարած անձանց միջեւ: Արձակուրդի մասնակցների միջեւ հաղթողներն ընտրվելու են պատահականության սկզբունքով:

Տարեցտարի Հայաստանում անկանխիկ վճարումները գնալով ավելի մեծ մասսայականություն են վայելում: Այսօրվաների եւ ծառայությունների համար վճարելու այս եղանակը հեշտ է եւ հար-

մար: «Յունիբանկ»-ը կշարունակի խրախուսել հաճախորդներին կատարել անկանխիկ վճարումներ՝ առաջարկելով տարբեր արտոնություններով քարտեր եւ կատարելագործելով UNIMobile հավելվածը, որը կարելի է ներբեռնել App Store-ից եւ Google Play-ից:

Mastercard քարտ ձեւակերպելու համար անհրաժեշտ է դիմել «Յունիբանկ»-ի 54 մասնաճյուղերից որեւէ մեկը:

«Վայելի՛ր ամառը «Յունիբանկ»-ի եւ Mastercard-ի հետ» արձակուրդի կանոններին եւ պայմաններին ծանոթացե՛ք [www.unibank.am](http://www.unibank.am) կայքում:

«Յունիբանկ»-ը վերահսկվում է ՀՀ կենտրոնական բանկի կողմից: Տեղեկատու հեռ.՝ (+37410) 59 55 55:

«Ժողովուրդ» օրաթերթում եւ [Armlur.am](http://Armlur.am) կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՄԱՆՐԱՄԱՍՆԵՐ

ԱՆԻ ՔՈՉԱՐԸ ՄՊԱՍՈՒՄ Է ԵՐԿՐՈՐԴ ԵՐԵԽԱՅԻՆ

Գրող, հեղինակ Անի Քոչարը ստասում է իր երկրորդ բալիկին. այս մասին ArmLur.am-ի հեռ գրույցում հայցնեց Անին:

«Լուրը հայտնելու օրը պատահական ընտրված չէ. ցանկանում եմ ինձ համար փոխել այս օրվա երբեմնի տխուր եւ մռայլ խորհուրդը:

25.05.2018 թվական... Սարսափ երագի էր նման: Հինգ տարի առաջ՝ այս օրը, կյանքս գլխիվայր շրջվեց: 25.05.2018թ. սարսափ երագի էր նման: Այդ օրը կյանքս բաժանվեց «մինչ եւ հետո»-ի՝ մինչեւ չարաբաստիկ ախտորոշումը (AML) եւ դրանից հետո: Թվում էր, թե ամեն բան անդառնալի կորսված է, սակայն անսասան հավատքը, համառ պայքարն ու երագել չդադարելն օգնեցին անցնելու այդ դաժան փորձությանը, հաղթահարելու այն ու դառնալու օրինակ հազարավոր մարդկանց համար:

Կյանքը հավերժական տուն չէ, բայց եւ որեւէ պարագայում հանձնվել չկա: Իմ կյանքում նոր լուսավոր էջ եմ բացել եւ ցանկանում եմ մոռանալ 25.05.2018-ը: 2-րդ գիրքս հատուկ էի խնամքով պահում, կյանքի օրերից էջ առ էջ հավաքում մինչեւ ինձ համար բաղձալի լուրը լսելը: Ինձ համար անսահման կարեւոր էր, որ գիրքն այնպիսի մի հրաշք լուսավոր կետ պարունակի իրենում, որ կրկին ոչ թե բառերով, այլ հենց կենդանի օրինակով կյանքեր ու սրտեր փոխի, կարծրատիպեր ու նախապաշարումներ փշ-



րի: Ողջ փառքը Տիրոջը», - Անին այս մասին գրել է իր սոցիալական էջում: Հիշեցնենք, որ երկար տարիներ Անի Քոչարը պայքարել է չարաբաստիկ քաղցկեղի դեմ:

ԼԻՂԱ ԵՐԿԱԶԱՐՅԱՆ

ԼՈՒՐԵՐ

Ice Cube-Ի ԿԱՐԾԻՔԸ

Հետեւելով գրողներին, լուսանկարիչներին եւ նկարիչներին՝ երաժիշտներն ու երգիչները եւս սկսեցին խոսել արիեստական բանականության դեմ:

Վերջերս BBC-ին տված հարցազրույցում Սթիվենը հայտարարել էր, որ «ճակատամարտ» է ընթանում արիեստական ինտելեկտի կողմից ստեղծված երգերի հանրաճանաչության աճից իրենց ստեղծագործությունները պաշտպանելու համար: Ամերիկացի ռեփեր Ice Cube-ը եւս այն արտիստներից է, որն իր կարծիքն է հայտնել արիեստական բանականությամբ ստեղծված երգերի վերաբերյալ: Full Send-ին տված հարցազրույցում Ice Cube-ը բացատրել է արիեստական ինտելեկտի ստեղծած երգերի հանդեպ իր արհամարհանքը՝ հայտարարելով, որ պատրաստ է դատի տալ բոլորին, որոնք օգտագործում են իր երգերը դրա միջոցով:

Հարցին, թե ինչ է նա մտածում արիեստական ինտելեկտի կողմից ստեղծված եւ վերջերս վիրուսային տարածում գտած Heart On My Sleeve թրեքի մասին, որը նմանակում է Տրոնտոյի արտիստներին՝ Դրեյքին եւ The Weeknd-ին, Ice Cube-ը պատասխանել է, որ այդպիսի երգերը «դիվային» է համարում: «Ես չեմ ուզում լսել Դրեյքի երգը, որը ստեղծված է արիեստական բանականությամբ: Ես չեմ ուզում լսել այս անհեթեթությունը: Նա պետք է դատի տա նրան, ով սա արել է»:

Cube-ը պնդել է, որ ցանկացած ոք, որը կօգտագործի արիեստական բանականության կողմից ստեղծված իր ձայնը, կկանգնի իրավական պատասխանատվության առաջ: «Ես դատի կտամ դա արած անախտանին, մարդկանց ու հարթակին. ոչ ոք չի կարող վերցնել ձեր ձայնը եւ շահարկել այն առանց վճարելու... Ես կարծում եմ, որ արիեստական բանականությունը դեռ է, եւ կարծում եմ, որ այն կառաջացնի օրգանական մարդկանց բացասական արձագանքը»:

«ՄԱՐՍԱՓ ՖԻԼՄ»

Ռեժիսոր Լուիզ Ուորենի շնորհիվ Մոխրոտի մասին հեքիաթը կդառնա սարսափ ֆիլմ:

Նա մտադիր է արտադրել եւ բեմադրել «Մոխրոտի անեծքը» սարսափ ֆիլմը՝ հիմնված հայտնի հեքիաթի վրա, որը արդիականացվել էր երեխաների համար 1950 թվականի «Դիսնեյի» տարբերակով: Սյուժեի մանրամասները դեռեւս հայտնի չեն, սակայն հաստատվել է, որ սցենարը գրել է Հարի Բոքսլին, իսկ գլխավոր դերերում հանդես են եկել Քեյլի Ռայան Սանսոնը, Քրիսի Վոննան եւ Դենիել Սքոթը: Նկարահանումները կսկսվեն հաջորդ ամիս մեծ Բրիտանիայում:

«Սա Մոխրոտի անեծքայելի եգալի տարբերակն է, որը մենք բոլորս սիրում ենք եւ գիտենք: Մի քանի հերոսներ կմահանան նրա ձեռքով», - Bloody Disgusting-ին ասել է Ուորենը: «Կարծում եմ սարսափի սիրահարները կվայելեն իմ մոլթ վերապատումը»:

«Մոխրոտի անեծքի» մասին հայտարարվեց անմիջապես այն բանից հետո, երբ Dolphin Medien-ը եւ Red Shadow Studios-ը հայտարարեցին Վիկի Թուֆի եւ Փիթեր Պենի վրա հիմնված երկու սարսափ ֆիլմերի թողարկումների մասին, որոնք կոչվում են «Վիկի Թուֆ. մահվան տունը» եւ «Փիթեր Պենը գնում է դժոխք»:

«ՎՏԲ-ՀԱՅԱՍՏԱՆ» ԲԱՆԿ

ՎԱՐԿ՝ ՓՈՔՐ ԲԻԶՆԵՍԻ ՀԱՄԱՐ

«ՎՏԲ-Հայաստան» բանկը փոքր բիզնեսի համար նախատեսված վարկային որոնողական ցարքը համարել է նոր վարկառեւակով, որը հասանելի է ձեւակերպման համար դրական վարկային դասնության հիման վրա: Վարկի արեւելյան տեղադրույթը կկազմի 18% (փաստացի տեղադրույթ՝ 19,56%), գումարը՝ 100 հազարից մինչեւ 5 մլն ՀՀ դրամ: Ծրագրի առաջին փուլում բանկը նախատեսում է ֆինանսավորել հանրադատության ձեռնարկատերերին մինչեւ 1 մլրդ դրամի չափով:

Նոր պրոդուկտից կարող են օգտվել փոքր բիզնեսի ընկերությունները, որոնք գործունեություն են ծավալում մանրածախ առևտրի, արտադրության եւ ծառայությունների ոլորտներում: Հիմնական պահանջը դրական վարկային պատմությունն է եւ գործող վարկի առկայությունն այլ բանկում: Միջոցները կարելի է ուղղել ընթացիկ գործունեություն վարելուն, պարտավորությունները մարելուն եւ այլ բիզնես նպատակների լուծմանը: Վարկը տրամադրվում է 48 ամիս ժամկետով: Վարկի տրամադրման մասին որոշումը կայացվում է 2 ժամվա ընթացքում:

«Փոքր բիզնեսը բանկի աշխատանքի ստրատեգիկ ուղղություններից է, եւ մեզ համար կարեւոր է մնալ վստահելի ֆինանսական գործընկեր այս սեգմենտի հաճախորդների համար: Այդ պատճառով մենք որոշում կայացրինք վերջիններիս համար ավելի պարզ ձեւակերպ-

Advertisement for VTB bank featuring a man in a suit and the VTB logo. Text: «ՎԱՐԿՆԵՑՎԱՅ ԸՆԹԱՏԱԿԱՐԳՈՎ ՎԱՐԿ ՓՈՔՐ ԲԻԶՆԵՍԻ ՀԱՄԱՐ»

մամբ պրոդուկտ մեկնարկել՝ առանց գրավի եւ լրացուցիչ ֆինանսական վերլուծության: Կարելի է առավելություն կլինի ձեւակերպման արագությունը. որոշումը կայացվում է ընդամենը 2 ժամում: Ծրագրի սկզբնական փուլում նախատեսում ենք վերջինիս շրջանակներում ապահովել մոտ 1 մլրդ դրամի վարկային պորտֆել», - մեկնաբանում է

«ՎՏԲ-Հայաստան» բանկի գլխավոր տնօրենի - տնօրինության նախագահի Ժ/Պ Արա Ավագյանը: Վարկի պայմանների մասին տեղեկանալ, ինչպես նաեւ հայտ ներկայացնել կարող եք բանկի կայքում կամ հանրապետության տարածքում գտնվող ցանկացած մասնաճյուղում: Բանկը վերահսկվում է ՀՀ ԿԲ կողմից:

● Մայիսի 27-ին Սոս Սարգսյանի անվան Համազգային թատրոնում տեղի կունենա «44 աստիճանի վրա» ներկայացումը: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

**ՎԱՐԿԵՐ**

**ՀԱՐՑ. Կարո՞ղ է արդյո՞ք գրավառուն (բանկ, վարկային կազմակերպություն, գրավառուն) առանց ինձ ծանուցելու վաճառել գրավ դրված իմ գույքը:**  
*Իրինա Գրիգորյան (36 տարեկան)*



**ՊԱՏԱՍԽԱՆ.** Ոչ, չի կարող: Եթե գրավի պայմանագրով կամ գրավառուի եւ գրավատուի միջեւ կնքված գրավոր համաձայնությամբ առկա է դրույթ՝ առանց դատարանի վճռի գրավ դրված գույքի իրացման մասին, ապա գրավառուն Ձեր կողմից գրավով ապահովված պարտավորությունը չկատարելու կամ ոչ պատշաճ կատարելու դեպքում պարտավոր է գրավոր՝ պատշաճ ձեւով ծանուցել Ձեզ (պարտապահին) առանց դատարան դիմելու գրավի առարկայի բռնագանձման մասին (բռնագանձման ծանուցում)՝ համաձայն Հայաստանի Հանրապետության քաղաքացիական օրենսգրքի 249 հոդվածի 2-րդ մասի:

Նույն հոդվածը սահմանում է նաեւ, որ բռնագանձման ծանուցումը պարտապահին հանձնելուց երկու ամիս հետո գրավառուն իրավունք ունի իրացնելու գրավի առարկան: Վերոնշյալ համաձայնության բացակայության դեպքում գրավ դրված գույքի հաշվին գրավառուի (պարտատիրոջ) պահանջները բավարարվում են դատարանի վճռով:

Այսպիսով, Ֆինանսական կազմակերպությունը պետք է Ձեզ գրավոր ծանուցի գրավադրված գույքի իրացման վերաբերյալ, որից երկու ամիս հետո միայն կարող է իրացնել գույքը:

**Ֆինանսական համակարգի հաշտարար**

**«ԺՈՂՎՈՒՐԳ».** Գրավով ապահովված վարկի գումարը սահմանված ժամկետում չվերադարձնելու դեպքում գրավատունն իրավունք ունի այդ գույքն իրացնել (վաճառել) հրապարակային սակարկություններով:

**ՎԱՐԳ**

**ՀԱՐՑ. Եթե արժույթի վերցվում է մեկ ամսից ավելի ժամկետով, արդյո՞ք արժույթային վճարը նվազո՞ւմ է:**  
*Համլետ Պետրոսյան (49 տարեկան)*



**ՊԱՏԱՍԽԱՆ.** Քաղաքացու հարցին ի պատասխան՝ հայտնում ենք, որ անհրաժեշտ է ղեկավարվել «Արտոնագրային վճարների մասին» Հայաստանի Հանրապետության օրենքի 8-րդ հավելվածի դրույթներով, որի 14-րդ կետի 7-րդ ենթակետի համաձայն՝ մեկ ամսից ավելի ժամանակահատվածի համար արտոնագրային վճարի չափը հաշվարկելիս օրենքով սահմանված 1.0 գործակիցը նվազեցվում է 0.02-ով՝ արտոնագրային վճար վճարող համարվելու մասին հայտարարությամբ ներկայացված մեկից ավելի յուրաքանչյուր ամսվա համար:

**ՀՀ պետական եկամուտների կոմիտե**

**«ԺՈՂՎՈՒՐԳ».** Նշենք, որ արտոնագրային վճար վճարող հանդիսանալուց դադարելու, գործունեությունը դադարեցնելու կամ ժամանակավոր կասեցնելու դեպքերում հավելված 8-ով սահմանված կարգով վճարված արտոնագրային վճարները չեն հաշվանցվում եւ չեն վերադարձվում (անկախ նրանից, թե որ ժամանակահատվածի համար է վճարվել արտոնագրային վճարը):

**ԼՈՒՐ ԿԱՂԻ**

*Լուսանկարն արվել է Երեւանում*



«Ապրելու երկիր» կուսակցությունը, մասնավորապես՝ կուսակցության նախագահ Մանե Թանդիլյանը, որը հայտնել է Երեւանի քաղաքապետի ընտրություններին մասնակցելու մասին, բավականին մեծ ծավալով եւ բազմաքանակ պաստառներով ողողել է Երեւանի փողոցները: Սակայն ուշագրավ է, որ Երեւանի քաղաքապետի ընտրությունների քարոզարշավը դեռ չի սկսվել. միայն հայտնի է, որ ընտրությունները տեղի են ունենալու սեպտեմբեր ամսին: Ստացվում է, որ «Ապրելու երկիր» կուսակցությունն արդեն նախընտրական քարոզարշավ է սկսել:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
 Բաժանորդագրվելու  
 համար կարող եք դիմել



«Հայմամուլ» ՓԲԸ  
 հեռ. 45-82-00, 45-19-11

«Հայփոստ» ՊՓԲԸ  
 հեռ. 51-45-46, 51-45-47

«Բլից-Մեդիա» ՍՊԸ  
 հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☀	Շիրակ	+7 + 11 +16 + 20	☀	Արարատ	+13 + 15 +25 + 27
☀	Կոտայքի լեռներ	+6 + 9 +17 + 20	☀	Արմավիր	+11 + 13 +25 + 27
☀	Կոտայքի նախալեռներ	+11 + 14 +21 + 23	☀	Վայոց ձորի լեռներ	+6 + 8 +16 + 18
☀	Գեղարքունիք	+6 + 11 +17 + 20	☀	Վայոց ձորի նախալեռներ	+12 + 14 +24 + 26
☀	Լոռի	+8 + 11 +19 + 23	☀	Սյունիքի հովիտներ	+13 + 17 +27 + 30
☀	Տավուշ	+10 + 15 +22 + 25	☀	Սյունիքի նախալեռներ	+6 + 11 +21 + 23
☀	Արագածոտնի լեռներ	+6 + 9 +15 + 18	☀	Արցախ	+15 + 19 +24 + 28
☀	Արագածոտնի նախալեռներ	+13 + 14 +21 + 25	☀	Երեւան	+11 + 13 +24 + 26

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22՝/3, հեռ.՝ 010 54-64-23  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության 25.5.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
 խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: